

Кузь нэм да бур шуд!

Эжва йывлөн слава

Анна Афанасьевна Игутова

Чужис 1917 вося декабр 25 лунö Ськтывдін районса Палевицы сиктын. Велöдчис Коми государственной учительской институтын. Уджалис Пожөгса, сэсса Мысса школайн велöдысьон, завучон, директорон. Велöдан стажыс 40 во. Бөрйылісны сиктсöветса депутатон.

Верöсыскöд быдтіс да велöдіс квайт челядьöс.

Бур уджысь сетісны Коми АССР-лөн школаясса заслуженной велöдысьлысь ним.

Кувсис 1973 вося май 11 лунö Мысын.



Дардлар

Эжва йывса войтырлөн газет

Петö 1929 восянь

Четверг, 2011 вося апрель 21 лун 48 (10323)-öд №

Лов вылад
кö кокни,
узян
чöскыда

(коми шусьöг)

ТÖДÖЙ, МЫЙ ВЫЛЫС

УСЬÖМЪЯСЛЫ ПАС

Вылыс Вочö вайисны Великой Отечественной война вылын пöгибнитöмъяслыobelisk.

Сійöс вöчöм могысь сьöм чукöртлісны кольöм воын став сиктöн. Сувтöдасныobeliskö сикт шöрö буретш Победа лун кежлö.

ЛОИС МÖД ОВМÖС

Улыс Вочын котыртчис И.А.Морохинлөн крестьянской овмöс.

Иван Андреевич уна во нин видзö гырысь скöт. Яйсö иналö орчча сикт-посёлөкъясын. Овмöссö паськөдас водзö, содтас скöтлысь юр лыд, медым вузавны унджык вöлöга.

Татшöм ногöн, Воч администрация улын лоис кык крестьянской овмöс, мөдыс В.В. Морохинлөн.

ЫТВА КЕЖЛÖ

Апрель 15-öд лунö Югыдъягö чукöртчылісны Немдін вожысь сикт-посёлөкса юралысьяс.

Тадзи чукöртчылöны быд во юяс вöссöм водзын, медым дасьöсь лоисны ытва кежлö. Сёрнитісны Эжва вомöн вуджöдчöм йылысь, медым тырмымөн вöлі сёян-юан, дасьöсь вöліны öзйылöмъяс да ойдöмъяс кежлö.

ГАЖÖДІС «РЯБИНУШКА»

Кольöм вöкресеньöын Кулöмдінысь «Рябинушка» народной ансамбль петкöдчыліс концертъясöн Кебангёлыын да Озъягын.

Кыкнан посёлөкын клубъясö чукöртчылісны челядь, том и олöма йöз, öдва тöрисны.

ВЕРМИС КОЙМÖДЫСЬ

Ськтывкарын кык лун чöж мунісны лыйсьöм кузя федерациялөн кубок вылö ордысьöмъяс.

Ыджыд вермöм шедöдісны Тимшерысь лыйсьысьяс. Лариса Кирушева коймөдысь дорыв лоис республикаса чемпионöн, Вика Сидякина босьтіс мөд места.

ГЫМАЛІС И ЧАРДАЛІС

Апрель 15 лунся 2 час войын Югыдъягса олысьяс садмысны гымалöмысь да чардалöмысь.

- Ме нэмсö ола тані, и водзті татшöмторйыс некор на эз вöв, - висьталіс Югыдъягса юралысь В.И.Ау. - Сідзсö майын гымавліс да чардавліс, но медым татшöмысь вöлі апрель шöрын!

Гымаліс да чардаліс час чöж, бöрыннас ёна зэрмис. Водзö гымыс да чардыс муніс Тимшерлань.

Асланым да общ. корреспондентъяс.



Галина Анатольевна Кочанова, Канаваын чужöм да быдмöм морт, олö öні Кебангёлыын. Ичöтсаянь отсасис мамыслы, Нина Егоровналы, коді уджаліс «Вычегодской» госпромхозын кукань видзысьон комын во, то идрасыны, то пыртлыны турун. Шöр школа помалöм бöрын велöдчис ветфельдшерö Вильгортса видз-му овмöс техникумын. Практика вылö мөдöдісны Кужйö, көні уджаліс кык во. Сэсса вуджис Кулöмдінса ветстанцииö.

Уджавны ковмылö шойччан и праздник лунгьясö, вой кöть лун. Луннас ветлö этша вылö нельлаö. Торйөн уна удж тулысын мөсьяслөн вайсигөн. Тулысын жö вöчöны скöтлы прививкаяс да босьтöны вируса висьöмгьяс вылö анализгьяс.

Галина Анатольевналысь бур уджсö пасйöма видз-му овмöс министерстволөн, районса управлениелөн да ветнадзор кузя Коми республикаса службалөн почёт грамотаясöн.

Локтан во кык тшупöда: тырö 30 во уджавны босьчöмсаянь да аслыс нэм джып. Гашкö, водзö на уджалас да ваяс йöзлы да немöсьяслы бур.

Гижöд да снимок Галина НЕСТЕРОВАЛÖН.

КОМИ РЕСПУБЛИКАЫН

ЧЕЛЯДЬÖС ШОЙЧЧÖДÖМ

Челядьöс гожöмын шойччöдöм могысь Коми республикаын торйöдöма 66 миллион шайт, мый кольöм воын серти 31 миллион шайтöн унджык. Та йылысь юөртісны республикаса юралысьлөн общественной примитанінын тавося апрель 19 лунö.

Йöзсö бурдöдан министерствоысь Ольга Поляковалөн висьталöм серти, талун республикаын уджалö челядьöс бурдöдан-ёнмөдан нель учреждение, көні во чöжөн бергöдчö 6 сюрс кымын морт.

Эмöсь и федерациялөн дзоньвидзалун ёнмөданінгьяс - Азовской да Чёрной мореяс дорын санаторийяс. 2011 воын арталöма ёнмөдны сәні öти сюрсысь унджык челядьöс.

Специалист сідзжö висьталіс федерациялөн «Мам да кага» программа йылысь. Сы серти таво торйөдасны челядьлы да бать-мам пиысь öтилы 657 путёвка. Тайö программа серти мунöм-локтöм вылö сьöм сетö социальöя сөвман агентство.

ДЕТСАДЙЫСЬ КОМПЕНСАЦИЯ

Детсадйын кагаөс видзöмысь бать-мамлы компенсация Коми республика коляс чинтытöг. Татшöм кыкбөртöд көсийöны примитны Госсöветса депутатгьяс апрель 21 лунся заседание вылын.

Кызди висьталіс Госсöветысь социальной туйвизь кузя комитетон веськөдлысьöс вежысь Людмила Афанасьева, 2011 вося январ 1 лунсянь детсадгьясын кагаөс видзöмысь компенсация вештöм вуджис республикалөн пельпом вылö. Водзті отсавліс и федерация. Та могысь пыртасны колана законö вежсьöмгьяс.

Компенсацияыс татшöм: медводдза кага вылö - бать-мамөн вештöм сьöмысь 20 процент, мөд кага вылö - 50 процент, коймөд да водзö челядь вылö - 70 процент.

«Кага вылö компенсация - семьялы тöдчана отсöг, торйөн нин уна челядя семьяслы. Сöмын Ськтывкарын компенсация сетöны 13 сюрс кагалы», - тöдчөдіс Л.Афанасьева.

КОМИИНФОРМ.

